

玄覽堂叢書

第一一四冊

文苑英華

卷一百一十四

中興致治疏

張亮

安撫巡撫

奏爲

聖明御極之初首講致治之要謹布愚悃以佐

中興仰乞

睿裁俯採飭行事臣亮竊觀今天下

祖宗全盛之金甌今已破損其半事勢極重而難返
人情瓦解而難收臣子之誼一死不足自贖幸
而

皇上登極人心帖然此

祖宗生靈之大幸也惟是世局等于草昧治理須費
更張而更張之要有四一曰明親長之義一曰
慎賞罰之權一曰清賄賂之源一曰杜門戶之
見而致治之事畢矣何謂明親長之義臣事
君猶子視父人人親其親長其長而天下平蓋此二
字宇宙之大綱維也自奪情之說起而人遂視
忠孝爲甚輕子悖其父臣叛其

君但求一時之倖免。甘作萬世之戮民。則大義不明。故也。堯舜之道。不外孝弟。而可漫視乎。當講者一。何謂慎賞罰之權。功必賞。罪必罰。此

帝王磨勵之大機權也。自襄陽陷後。當事者猶被身後之廕典。人遂視失城爲甚輕。或虛獎以迎。或先期而去。付封疆于一擲。異法網之可逃。則國憲不公故也。罰旣不當。則賞亦不明。

朝廷一事。動垂信史。而可任意低昂乎。當講者二。

何謂清賄賂之源文武兩途若慎衡才論功則
自官與人當

先帝朝非不嚴此禁也無奈陋習已久牢不可破或
以情面收或以鑽營入則皆賄賂之徑也得官
既已不清居官必至營利豈肯從

國家起見乎當講者三何謂杜門戶之見人臣致
身事

主卽宜一德相孚乃至黨與一分肝腸遂別

先帝朝爲此二字。生却多少排擠費。却多少議論。但顧各人之朋比。不顧

主上之憂勤。究至口肆劒戟。胸懷鳩毒。不爭勝不已。又豈肯從

國家起見乎。當講者四。今

聖明在御。衆正在朝。計無不寅恭端直。以爲

中興輔。而臣猶鰓鰓過慮者。犬馬之私。舍是無以爲獻耳。倘蒙

皇上採擇而飭行之不立收撥亂反正之治者臣不
之信也

請行徵辟疏

史可法

大學士

題爲撫理殘疆急須能吏請行徵辟之法以通銓選之窮事。

國家設四藩于江北非爲江左偏安計也欲定立報基養成氣力北則爲恢復

神京之計南則爲澄清關陝之圖一舉而遂歸全盛耳。

聖明在上忠義在人。

君父之讐恥特深。海宇之羣心競奮。在師武臣。無不以滅賊復讐爲念者。乘時大舉。掃蕩可期。特所慮者。兵戈擾攘之中。不復有百姓耳。無百姓。何利于有疆土。故擇吏不緩于擇將。救時必先于救民。所謂得一賢守。如得勝兵萬人。得一賢令。如得勝兵三千人。正今日之謂也。然而守令難言矣。

北都未陷。求牧方殷。非不有破格之陞遷。從未求得人之實效。蓋地有難易。缺有炎冷。無所不用其

營○避○而○兵○荒○殘○破○之○地○卒○舉○而○授○之○庸○人○况○今○日○
已○陷○之○殘○疆○另○圖○恢○復○保○民○禦○寇○萬○萬○苦○難○此○豈○
白○面○書○生○所○能○勝○任○目○今○人○才○告○乏○資○格○爲○拘○束○
南○缺○員○正○自○不○少○安○能○復○填○西○北○之○缺○則○銓○選○法○
窮○不○得○不○改○爲○徵○辟○任○時○保○舉○多○係○慕○勳○故○捷○足○
蠅○營○真○才○裹○足○今○西○北○則○危○地○也○危○則○人○人○思○避○
而○真○從○

君○父○起○念○誓○圖○除○兇○雪○恥○垂○名○千○載○者○乃○始○投○袂○而○

相從請纓而奮起。臣以爲宜倣保舉之法。通行省
直撫按司道。及在京九卿科道官。果有才膽過人。
堪拯危亂者。不拘資格。各舉一人。起送到京。資以
途費。赴臣軍前效用。酌補守令員缺。二年考滿。平
升善地。三年考選。優擢京曹。用示酬勸。如各官避
嫌不舉。卽聽該科指叅。重行罰治。其有懷才思售。
赴臣軍前者。驗係真才。一體錄用。再如江北山東
河南一帶。有能保護一方。爲民推服者。卽在桑梓。

之邦亦可權宜徑用總求

天恩破格。假臣便宜。決不敢濫用匪人。自誤進取。聞
逆賊所至。嘗帶多人。得一州。卽設一州官。得一縣
卽設一縣令。小人不識順逆。爲所用者恒多。况際
國運重新。賊運垂盡。則必有桓桓赤心之士。輻輳
而冀中興。臣拭目望之矣。

三大弊政疏

祁彪佳

浙江
安撫

爲新政要在明刑持平貴有箚責謹陳三大弊政
伏乞

明旨禁革以收拾人心光昭盛治事伏惟

皇上以垂統而兼創業凡典章法度有宜因亦有宜
革者要必翻然更始使海內翕然快服乃足以收
拾人心向來縉紳愁慘小民毒痛道路側目羣情
解體者其弊政有三曰
詔獄曰緝事曰
廷杖

臣請備言之。先是洪武初年。官民有犯。或全收繫錦衣衛用事者。因以非法凌虐。

高皇帝乃于十三年。焚其刑具。以繫囚送刑部審理。是

祖訓原無詔獄也。後乃以鍛鍊爲功。以羅織爲事。雖

曰。

朝廷之爪牙。實爲權奸之鷹狗。口詞從逼勒而來。罪案聽指授而定。卽舉朝莫不知其枉。而法司無敢

雪其冤。酷慘等子來周平反。從無徐杜。此

詔獄之大弊也。洪武十年。改儀鑒司爲錦衣衛。端直
法駕侍衛等事。未嘗聞其緝事也。迨後東廠設立。
始有告密之端。用銀而打事件。得賄而鬻刑章。無
籍者多倚籍以投充。有罪者反交通以倖免。飛誣
多及善良。赤棍立致巨萬。招承多出干弔拷。怨恨
充塞于京畿。欲絕苞苴。而苞苴托之逾盛。欲清奸
宄。而奸宄因之益多。此緝事之大弊也。若夫刑不